

Suh Gezvnz: Yung Song Cungj Vah Banh'anq Ciengxlwenx Mbouj Vutvak

□ Liengz Cingz raiz Dahdingz hoiz

Gijndei fazgvanh minzczuz vunz-noix yung vah minzczuz bonjfaenh siu ngaekngeu cengnauh bae, couhwdg aen minzczuz doxdoengz miz gij gamjcingz nyinhdoengz vwnzva caeuq doxaeng, neix mboujdan hawj gij hong diuzgaij aeundaej yaugoj ndei raeuh, engq coihawj minzczuz caeuq minzczuz doxgiet huzndei baenaj.

Suh Gezvnz, boux fazgvanh Bouxcuengh Gvangsiah Namzningz Si Vujmingz Gih neix, dangguh gij fazgvanh Cuengh Gun song cungj vah Gvangsiah Bouxcuengh Swcigh Gaugaep Fazyen, Swcigh Minzcunghvej buek daih'it bingzdingh ndawde boux ndeu, de vih dieg minzczuz doxgiet huzndei, ginghci hwngfat daezhawj swhfaz baujvang rengzrd.

Song cungj vah gej cien-fanh aen hot diuzgaij vaiq raeuh coi huzndei baenaj

"Huzndei doxhab" "mbouj miz dajgauq" dwg conzdungj vwnzva Cunghvaz Minzczuz daj ciuhgeq daengz ciuhneix. Youq aen seizdaih ginghci riengjvaiq hwngfat, gij singqcaet faplwd nywnghlaeng gietdingh de youq mwh cawqlaix gij cengnauh minzsae mbouj dwg yienghyiengh cungj ak, cungj cingzgvang neix, gij cidu diuzgaij engq miz singqcaet soengdoengh, engq lingzvued couh miz hoenggan hwngfat engq gvangqlangh lo. Namzningz Si Vujmingz Gih gungh miz 71 fanh vunz, ndawde vunz Bouxcuengh ciemq 86% doxhwnj. Youq dieg minzczuz vunzniox comzyouq yienghneix, yung vah minzczuz diuzgaij cengnauh caeuq saemjleix anqgienth, ndaej miz yaugoj hungloet.

Suh Gezvnz lwnh gicej, daj bi 1995 ndwen 8 camgya guhhong, 24 bi doxdaeuj de cungj youq aen gangjvei saemjbuenq caengz lajdaej, yung vahcoj bonjfaenh vih gij vunzlai minzczuz vunzniox gejdap gij ngeizvae faplwd, dazyinx dajgauq, diuzgaij anqgienth, haidingz saemjbuenq dwg gij cangdai cingqciengz ndaw hong bonjfaenh, yienznaeuz song bi neix cij haengrengz guh gij hong yung song cungj vah saemjbuenq, hoeng youq dieg minzczuz, neix dwg ngoenznaengz cungj yung, caengz daengx roengz-daeuj gvaq.

Youq ndaw aen anqgienth baenz-roix cengnauh habdoengz bauguh reihnaz lajmbanj ndeu, 5 boux bouxdajgauq yiengq Vujmingz Gih Yinzminz Fazyen daezok cingigouz dajgauq: Buenqgiet gejcawz «Aen Habdoengz Cook Coyungh Reihnaz» bouxdajgauq caeuq bouxdenggaug ciemdingh, youz bouxdenggaug hoizdaug gij yienghgauq reihnaz, boiz gij cien aenvih reihnaz vut ndwi deng sonjsaet haenx hawj bouxdajgauq.....5 boux bouxdajgauq cungj dwg vunzguhnaz Bouxcuengh bi'ndwen loq hung, dan rox gangj Vahcuengh, youh mbouj

miz lizswb bangguenj dajgauq, hoeng bouxdenggaug youh dan rox gangj Vahbujdungh; song mbiengj doxgangj gig hoj yaqlwd youh daemq, youq mwh guh fazdingz saemjleix song mbiengj gangjvah cungj gig haeng, ngaekngeu haemq hung. Ginggvaq Suh Gezvnz boux fazgvanh cawjsaemj neix lai baez yung Cuengh Gun song cungj vah gaeudoeng, caemhcai yung dauhleix gangj doeng, yung cingz hawj gyoengqde gamjdoengh bae faencek leixswb gij gvanhaeh caeuq faplwd doxgven, doeklaeng baenzroix 5 aen anqgienth cungj gonqlaeng ndaej diuzgaij gietanq caemhcai swnhleih hengzguh.

Suh Gezvnz banh'anq daengz seizneix, moix bi bingzyaenz miz cib lai aen anqgienth, gyoebseueng daengz seizneix daihgaug miz baenz bak aen anqgienth aeu cienzbouh roxaeuz dingz ndeu yung Vahcuengh hai-dingz. Daegbied dwg youq mwh fazdingz saemjleix gij cengnauh habdoengz bauguh reihnaz, bauguh roxaeuz cienjnyiengh gij gienzleih guengjuh ndoengbya caeuq gaicawx doxgaij reihnaz lajmbanj doenghgij anqgienth vunz loq lai ndaw segih minzczuz neix yung Vahcuengh saemjleix, gaeudoeng, guh minzsae siengsae diuzgaij, doiq hoizsoeng gij simcingz song mbiengj dangsae doxdingj gig mizyauq, sevei yaugoj ndei raeuh.

Yung song cungj vah banh'anq baujcwng caetliengh daezsang yaqlwd roengz-rengz coihawj gajndei vanz-ging guh seng'eiq

Cienzseiz caeuq beixnuengx Bouxcuengh dox baedauq, sugrox gij sibgvenq gyoengq beixnuengx mbanj-ranz gvaq ndwenngoengz, Suh Gezvnz cungj ndaej ciuq gij cengnauh caeuq gyoengq vunz mbouj doxdoengz, yawj anqgienth yung banh' anq, guhbaenz aen muzbyauh riengjvaiq, yaqlwd sang siubae cengnauh, banh'anq baujcwng caetliengh daezsang yaqlwd.

Youq aen anqgienth cengnauh habdoengz cook coyungh reihnaz ndeu, bouxgauq aen cunhminz siucuj daihngieh Namzningz Si Vujmingz Gih Cwngziengh Cin Mbanjhozgis yiengq Vujmingz Gih Yinzminz Fazyen daezok cingigouz dajgauq: Ciuq-fap nyinhdingh «Mbawsaw Hezyi» gyoengqde caeuq bouxdenggaug Namzningz Dangzyez Gujfwu Youjhan Gunghswb Yanghsan Dangcangj ciemdingh mbouj mizyauq, buenq hawj bouxdenggaug boiz 27.15 moux daemz rom raemx ndaw bya hawj bouxgauq dauq, caemhcai hoizdaug yienghgauq daemz rom raemx ndaw bya, buenq bouxdenggaug ok gij cien coyungh daemz rom raemx ndaw bya



▲Suh Gezvnz cingq haidingz saemjleix anqgienth.

hawj bouxgauq.....Aenvih aen anqgienth cook coyungh ciemdingh «Mbawsaw Hezyi» nangqdaengz reihnaz seizgan loq nanz lo, youq mwh guh fazdingz saemjleix song mbiengj doiq saedsae anqgienth gangjap cungj mbouj doxdoengz, nyinhdingh saedsae anqgienth bienqbaenz gij cungsing song mbiengj doxceng. Vih caz cingcuj saedsae anqgienth, Suh Gezvnz dangguh boux fazgvanh cawjsaemj daiqlingx gij vunz ndaw aendoih, caeuq song mbiengj dangsae doxcaez, gibseiz bae yienhciengz cazyawj, caz cingcuj le caeuq song mbiengj cigciep youq yienhciengz yung song cungj vah doxyaeng, hezdiuz. Doeklaeng ginggvaq cungfaen doxyaeng, song mbiengj yaeng baenz aen hezyi diuzgaij bouxdenggaug boiz daemz rom raemx ndaw bya caemhcai boiz gij cien hoizdaug yienghgauq hawj bouxgauq. Anqgienth diuzgaij gietanq, baujvang le gij gienzik habfap song mbiengj, henhoh le gij gvanhaeh gunghcangj giyez caeuq vunzmbanj huzndei, onjdingh, coihawj gajndei vanzging ndawbiengz guh seng'eiq.

Daj dang boux saemjbuenq doxdaeuj, Suh Gezvnz daengz seizneix gungh banhleix le 1000 lai aen anqgienth gvendaengz guh seng'eiq, caeuqfaen banhleix 14 aen anqgienth buqcanj, cawjbanh ndawde 5 aen. Youq ndaw gij hong saemjleix anqgienth giyez buqcanj ciuqfap hawj haujlai swchancj gukmiz yung ndei bae, rengzrd coihawj giyez deihfueng gajjbienq cidu, vih Vujmingz Gih ginghci hwngfat daezhawj le soujduen caeuq roenloh mizyauq. De haujlai bi cungj ndaej bingz baenz gungcanjdangjiyenz maenhndei caeuq bouxvunz senhcin.

Namzningz cunghyen: Cienzmienh doihai hong bingzdingh fazgvanh song cungj vah

Fapguk guk raeuz daih 134 diuz gvidingh: Gak cuz gunghminz cungj miz gienzleih yung vah minzczuz bonjfaenh dajgauq. aen fap hingzsae dajgauq, aen fap minzsae

dajgauq, aen fap hingzcwng dajgauq goj miz gij gvidingh doxwngq. Geij bi neix daeuj, youq dieg minzczuz vunzniox comzyouq, daegbied dwg dieg minzczuz vunzniox bien'gyae, gij anqgienth nangqdaengz minzczuz vunzniox bi lai gvaq bi, gungganq engq lai fazgvanh sugrox vah minzczuz dangdieg bienqbaenz hengzguh swhfaz gig gaenj aeuyung.

Namzningz Si dwg aen hawsingz soujfuj aeu Bouxcuengh guh cawjdaej, lai minzczuz comzyouq ndeu. Bi 2004, Namzningz Si gungh miz 648.85 fanh vunz, ndawde vunz minzczuz vunzniox 373.31 fanh vunz, ciemq vunz daengx si 57.53%. Youq ndaw vunz minzczuz vunzniox, vunz Bouxcuengh 362.36 vunz, ciemq vunz daengx si 55.85%. Vunz minzczuz vunzniox haemq lai, youq 5 aen hawsingz soujfuj dieg minzczuz vunzniox gagguenj daengx guk baiz youq daih'it. Aen fazyen neix gig yawjaek gij hong hwnjguh aendoih fazgvanh Cuengh Gun song cungj vah, bi 2018 aen fazyen neix aeu Vujmingz Gih dangguh sawqdiemj, youq Vujmingz Gih Yinzminz Fazyen bingz senj ok 3 boux fazgvanh Cuengh Gun song vah, damqra yung song cungj vah siu cengnauh bae, coihawj daezsang yaqlwd diuzgaij, cingzyauq yienhda. Gij hengzguh Vujmingz Gih Yinzminz Fazyen gungganq vunzcaiz Cuengh Gun song cungj vah caemhcai yung daeuj saemjbuenq, vih Namzningz Si cienzmienh doihai gij hong bingzdingh fazgvanh Cuengh Gun song cungj vah cwkrom le gingniemh, dwkroengz le giekdaej. Aen fazyen neix youq gwnz giekdaej nyinhcaen cunggez gij gingniemh hong sawqdiemj, bineix youq daengx si doihai doigvangq hong bingzdingh fazgvanh song cungj vah, caen'itbhou hawj aendoih fazgvanh Cuengh Gun song cungj vah aen si neix gyahung, vih henhoh gij gienzik habfap vunzlai minzczuz vunzniox, doinyoengx dieg minzczuz onjdingh hwngfat, coihawj minzczuz doxgiet huzndei dwkroengz giekdaej vunzcaiz maenhsaed.